

Gvangjsih Minzcuz Bau

广西民族报 ganhhau: CN45-0036 B.2021 Nd.3 Ng.3 liggaeuq sincouj nienz ndwencieng ngeihcib

Baihguenjbanh: Gvangjsih
Bouxcuengh Swcigih Minz-
cuz Cunghgyau Swvu Veij-
yenzvei
Biengauj okbanj: Gvangjsih
Minzcuz Bause
Geizsoq: Gungh daih 3463 geiz
Geiz neix 8 banj

Aen Daihhoih Cungjgez Haenhndei Daengx Guek Gunggeng Duetgungz Youq Baekging Hai

Siz Ginbingz Fat Ciengj Hawj Bouxyienghndei Daengx Guek Gunggeng Duetgungz Caemhcai Gangj Vah Youqgaenj

2 nyied 25 hauh banhaet, Aen Daihhoih Cungjgez Haenhndei Daengx Guek Gunggeng Duetgungz youq Baekging hai. Cunghgung Cunghyangh cungjsuhgi, gozgyah cajsiz, Cunghyangh Ginhveij cajsiz Siz Ginbingz fat ciengj hawj bouxyienghndei daengx guek gunggeng duetgungz caemhcai gangj vah youqgaenj. Siz Ginbingz giengzdih, baengh daengx aendangj daengx guek gak cuz lwgminz guhdoh haenqrengz, youq mwh youqgaenj angqcoux Cunghgoz Gungcanjdangj laeb ndaej bak bi, guek raeuz hoenx ciengz ciengq gunggeng duetgungz ndaejhingz caez-

cup, ciuq gij byauhcuinj seizneix 9899 fanh gyauejvunz lajmbanj ndaej duetgungz caez, 832 aen yienh gungzhoj ndaej duetmauh caez, 12.8 fanh aen cunh gungzhoj ndaej oklied caez, baenzrangh gungzhoj ndaej gaijgez, guhsat hongsaeh hojguh lailai couhdwg siucawz gij gungzhoj mbouj gaeuq gwndaenj, guhbaenz gij hongsaeh youq ndaw lizsij lwenqda ronghsag! Neix dwg lwgminz Cung-guek najrongh hungmbwk, dwg Cunghgoz Gungcanjdangj najrongh hungmbwk, dwg Cunghvaz Minzcuz najrongh hungmbwk.

Lij Gwzgyangz ndabaiz daihhoih,

Vangh Yangz doeg aen gietdingh haenhndei, Liz Cansuh, Vangz Huningz, Cau Lozci, Hanz Cwng, Vangz Gzsanh camgya hai hoih.

Boux veijyenz Cunghgung Cunghyangh Cwngcigiz, boux suhgi Cunghyangh Suhgicu, boux fuveijyenzcangj Daengx Guek Yinzda Cangzveijvei, boux Gozvu veijyenz, boux yencangj Ceigauh Yinzminz Fazyen, boux genjcazcangj Ceigauh Yinzminz Genjcazyen, boux fucajsiz Daengx Guek Cwnghez, vanzlij doengh boux veijyenz Cunghyangh Ginhveij camgya hai hoih.

Doengh boux fucwz dungzci

daeuz gak swngj gih si caeuq Sinhgyangh Swngchancj Gensez Bingh-donz, doengh boux fucwz dungzci daeuz dangj cwng ginh ginz gak bumwnz, doengh boux cwngzyenz ndaw Dangj Caeuq Guekgya Gunghyinh Byaujcangh Gunghcoz Veijyenzvei, doengh boux cwngzyenz ndaw Daengx Guek Gunggeng Duetgungz Byaujcangh Gunghcoz Lingjdauj Siujcuj, doengh boux fucwz daeuz gak minzcuj dangjbai cunghyangh, Daengx Guek Gunghsanghlenz caeuq doengh-boux daibyaui fouz dangjbai daengj daihgaiq 3000 vunz camgya daihhoih.

(ciuq 《Yinzminz Yizbau》)

Sanhgyangh: Maez Youq Mbanjdung Angq Gvaq Cieng Cibngux



2 nyied 26 hauh, 100 lai boux hekyouz youq Sanhgyangh Duncuz Swciyen yienhsingz ndaw Duncdenhgung Vwnzva Gvangjczangz ngon-yawj caeuq camgya gij cezmuiz Duncuz lai cungj lai yienh de lumj golaux Duncuz, langhbaij feihyiz, 《Maez Dingq Sanhgyangh》 vunz lai doxboiq yienjok daengj, angq gvaq cieng cibngux.

(Gungh Bujganh)

SIUSIK DINJ

● 2 nyied 23 hauh, aenhoh 2021 nienz daengx gih guh goengloh bujdungh de ok siusik, bineix, gih raeuz haenqrengz ceng roengz 309 ik maenz dingh guh goengloh bujdungh, langh rengz caez doinyoengx gij hanghmoeg guh aen muengx roen, seiq guh it doeng, ganq goengloh lajmbanj.

(Vuz Libingz)

● 2 nyied 16 daengz 24 hauh, Gvangjsih Yindwz Ciz-donz boiqhab gih raeuz gak dieg yinzse bumwnz, mbouj sou cienz yinh nungzminzgungh daengz dieg guhhong, 9 ngoenz gungh yinh 9419 boux dajgoeng bae rangh dieg samgak Dah-cuhgyangh dauq guhhong.

(Vangz Gingcauh)

● Bi' gvaq, Gveigangj Si Gangjbwz Gih caizcwng souhaeuj ndaej gyalai, baez daih' it mauhgvaq 30 ik maenz, ndaej 30.57 ik maenz, beij bi-gyai caemh duenh gyalai 17.6% ik maenz, cungj souhaeuj youq Gveigangj baiz daih' it.

(Luz Hungzya)

● Ciuq gijsoq caz ndaej, bi' gvaq Cungzcoj Si sojmiz gihminz bingzyaenz ndaej gij souhaeuj gag gaemguenj de 2.22 fanh maenz, beij bi' gyai caemh duenh gyalai 6.1%.

(Cinz Mingzgei)

Mwh Hai Aen Daihhoih Cungjgez Haenhndei Daengx Guek Gunggeng Duetgungz:

Gvangjsih 93 Boux Goyinz 69 Aen Cizdij Ndaej Daengx Guek Haenhndei

Vangz Vwnzsiu Ndaej Heuhguh "Bouxyienghndei Daengx Guek Gunggeng Duetgungz"

Youq mwh hai Aen Daihhoih Cungjgez Haenhndei Daengx Guek Gunggeng Duetgungz, boux gaxgonq dwg Bwzswz Siveij Senhconzbu Lijlungoh gohcangj, ndaej baij youq Lozyez Yen Sinhva Cin Bwzniz Cunh dang suhgi daeuz de Vangz Vwnzsiu ndaej Cunghgung Cunghyangh, Gozvuyen heuhguh "Bouxyienghndei Daengx Guek Gunggeng Duetgungz". Gvangjsih 92 boux goyinz wng 69 aen cizdij guh hongsaeh gunggeng duetgungz baenzsaeh lailai ndaej

haenhndei.

Vangz Vwnzsiu doegsaw bizyez le gag cingjgouz bae Bwzniz Cunh dang boux suhgi daeuz. De daiqlingx daengx aen cunh cienzbouh duetgungz. 2019 nienz 6 nyied, de deng raemxrongz cung le daimingh lo, dandan ndaej 30 bi; gvaqlaeng ndaej haenhndei heuhguh "daengx guek boux dangjyenz maenhndei" "boux-yienghndei seizdaih" "boux-yienghndei daengx guek gunggeng duetgungz" daengj.

Gvangjsih 92 boux senhein goyinz wng dwg bouxyienghndei henzndang, boux senhfungh mozfah. Ndaude miz 4 boux dwg boux ganbu banggunz daimingh gvaq lo. Gyoengqde au diuzmingh gangj cingcuj aen simnduj caeuq sawjmingh boux gungcanjdangjyenz dwg gijmaz. 69 aen senhein cizdij mbouj lau haemzhoj dawzhwnj rap naek, baijok aensim daih gyaenz aenbiengz, gyonjcomz gij rengz hunghwd gunggeng duetgungz.

(Veiz Giconh)